



Broj: 10/E-11-6577/25
Sarajevo, ~~25-02-2026~~ godine

Na osnovu člana 69. stav (1), člana 70. stav (4) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), u skladu sa Obavijesti ponuđača „TENNECO ING“ d.o.o. Kiseljak broj: 01/1-23/26 od 03.02.2026. godine, a u vezi postupka javne nabavke za izvođenje radova na tekućem održavanju stepeništa u ulici Behar, putem otvorenog postupka, a na prijedlog Kabineta općinskog načelnika – Odsjeka za javne nabavke, Opštinski načelnik d o n o s i:

O D L U K U

o poništenju Odluke o izboru najpovoljnijeg ponuđača „TENNECO ING“ d.o.o. Kiseljak broj: 10/E-11-6577/25 od 25.12.2025. godine i poništenju postupka javne nabavke za izvođenje radova na tekućem održavanju stepeništa u ulici Behar, putem otvorenog postupka

I Poništava se Odluka o izboru najpovoljnijeg ponuđača „TENNECO ING“ d.o.o. Kiseljak, broj: 10/E-11-6577/25 od 25.12.2025. godine u postupku javne nabavke za izvođenje radova na tekućem održavanju stepeništa u ulici Behar, putem otvorenog postupka.

II Poništava se postupak javne nabavke za izvođenje radova na tekućem održavanju stepeništa u ulici Behar, putem otvorenog postupka, u skladu sa članom 69. stav (1), iz razloga što je izabrani ponuđač u ostavljenom roku nakon donošenja odluke o izboru najpovoljnijeg ponuđača, dostavio dokaze po članu 45. Zakona o javnim nabavkama, koji nisu ispravni.

III U skladu sa članom 70. stav (4) i (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: www.centar.ba, te će se Obavještenje o poništenju postupka javne nabavke objaviti na Portalu javnih nabavki.

IV Ova Odluka će se dostaviti ponuđaču u postupku javne nabavke.

O b r a z l o ž e n j e

Postupak javne nabavke za izvođenje radova na tekućem održavanju stepeništa u ulici Behar, pokrenut je Odlukom broj: 10/E-11-6577/25 od 21.11.2025.godine. Procijenjena vrijednost javne nabavke bez PDV-a iznosila je 130.893,00 KM. Nabavka je pokrenuta putem otvorenog postupka, sa utvrđenim kriterijima „ekonomski najpovoljnija ponuda“ 1. Cijena 95% i 2. Rok izvođenja 5%.

Na Portalu javnih nabavki objavljeno je Obavještenje o nabavci broj: 848-1-3-145-3-235/25 od 28.11.2025. godine. Nakon objavljenog postupka i tenderske dokumentacije, izvršeno je javno otvaranje ponuda, te je na prijedlog Komisije za nabavku roba, usluga i radova III donesena odluka o izboru najpovoljnijeg ponuđača „TENNECO ING“ d.o.o. Kiseljak. Na Odluku o izboru najpovoljnijeg ponuđača broj: 10/E-11-6577/25 od 25.12.2025. godine nije bilo žalbi. Međutim, dana 03.02.2026. godine, izabrani ponuđač je dostavio obavijest da nije mogućnosti pristupiti potpisivanju ugovora, iz razloga što je dana 29.12.2025. godine dostavio tražene dokaze po članu 45. Zakona o javnim nabavkama, koji su greškom datirani iz 2024. godine.

Kako dokazi po članu 45. Zakona o javnim nabavkama nisu ispravni, odnosno nisu dostavljeno kao originali niti ovjerene kopije, te nisu važeći u pogledu starosti dokaza, (tenderskom dokumentacijom je jasno definisana o obaveza dostavljanja dokumentacije po članu 45. ZJN da ne smije biti starija od tri (3) mjeseca računajući od dana dostavljanja ponude), odluka o izboru najpovoljnijeg ponuđača broj: 10/E-11-6577/25 od 25.12.2025. godine se poništava. Isto tako se poništavanjem navedene odluke, poništava i postupak javne nabavke za izvođenje radova na tekućem održavanju stepeništa u ulici Behar, obzirom da je u postupku predmetne nabavke učestvovao jedan ponuđač.

Imajući u vidu da se nisu ispunili uslovi za zaključenje ugovora o izvođenju radova na tekućem održavanju stepeništa u ulici Behar, predlaže se poništenje odluke o izboru najpovoljnijeg ponuđača broj: 10/E-11-6577/25 od 25.12.2025. godine, a samim tim i poništenje postupka predmetne nabavke.

Na osnovu izloženog, Opštinski načelnik je prihvatio prijedlog Kabineta općinskog načelnika – Odsjeka za javne nabavke, te će ponuđač u postupku javne nabavke biće obaviješteni o istom.

Iz navedenih razloga, primjenom člana 69. stav (1) Zakona o javnim nabavkama („Službeni glasnik BiH“, broj 39/14, 59/22 i 50/24), odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Dostaviti:

1. „TENNECO ING“ d.o.o. Kiseljak
Ulica Josipa bana Jelačića br. 21 71250 Kiseljak
2. Službi za stambene i komunalne poslove
3. Službi za finansije
4. Kabinetu općinskog načelnika – Odsjeku za javne nabavke
5. Evidenciji